

07.07.2026

Тропарь честнаго славного Пророка, Предтечи и Крестителя Господня Иоанна, глас 4:

Проро́че и Предте́че прише́ствия Христо́ва,/ досто́йно восхва́лити тя недоуме́ем мы, любóвию чту́щии тя:/ непло́дство бо ро́ждшия и о́тчее безгла́сие разреши́ся/ сла́вным и честны́м твои́м рождество́м,/ и воплоще́ние Сы́на Бо́жия ми́рови пропове́дуется.

Сла́ва Отцу́, и Сы́ну, и Свято́му Ду́ху.

Кондак честнаго славного Пророка, Предтечи и Крестителя Господня Иоанна, глас 3:

Пре́жде непло́ды днесь Христо́ва Предте́чу ражда́ет,/ и той есть исполне́ние вся́каго проро́чества:/ Егóже бо проро́цы пропове́даша,/ на Сего́ во Иорда́не ру́ку положи́в,/ яви́ся Бо́жия Сло́ва проро́к, пропове́дник, вку́пе и Предте́ча.

И ны́не, и прісно, и во ве́ки веко́в. Ами́нь.

Кондак Пресвятой Богородице, глас 6:

Предста́тельство христиа́н непосты́дное,/ ходата́йство ко Творцу́ непрело́жное,/ не прэзри грешных моле́ний гла́сы,/ но предва́ри, я́ко Блага́я, на по́мощь нас,/ ве́рно зову́щих Ти:/ ускори́ на моли́тву и потщи́ся на умоле́ние,// предста́тельствующи прісно, Богоро́дице, чту́щих Тя.

Прокимен, глас 7: Возвеселі́тся пра́ведник о Го́споде, / и упова́ет на Него́.

Причастен: В па́мьть ве́чную бу́дет пра́ведник, от слуха́ зла не убой́тся. Аллилу́иа. Аллилу́иа. Аллилу́иа.